

Գիրքը յուսադատճեհահանվել է
A-PDF DjVu TO PDF DEMO: Purchase from www.A-PDF.com to remove the watermark

"Նամահայկական էլ. Գրադարան"

կայքի՝ www.freebooks.do.am

կողմից եւ ներկայացվում է իր

այցելուների ուշադրությանը:

The book created by "PanArmenian E. Library"



Գիրքը կարող է

օգտագործվել միայն ընթերցանության համար...

For more info: www.freebooks.do.am

Library

ՄԱՅՔ ԵՆԻՑՆԻՑԻ ՎԱՐՈՂ ԵՔ ՁՅԲ ԵՐԿՐՈՒՄԸ ԱՐԿԵՍԱԸ ԼՅՅԱՅԱՑ
ԳՐԱԿԱՆՈՒԹՅԱՆ ՏԱՐԱԾՄԱՆ ԳՈՐԾՈՒՄ ԵՎ ԻՆՏԵՐՆ
ԼՈՒՄԻՆԱՏԵԿՆԻՍՏԻԿ ԳՐԵՐ:

Ք-ՍՅՑՆ ԳՐԵՐԻ ՄՏԵՐՈՄԱՆ ՄԱՆՈՍՄԱՆԱԵՐՈ ՎԱՐՈՂ ԵՔ
ԻՄՈՒԱԿ "ՇԱՄԱԼՅԱՅԱՎԱՆ ԷԼԵԿՏՐՈՆԻՍԵՆ ԳՐԱԿՈՐՄԱՆ" ՎՈՅՔԻՑ

www.freebooks.am

ԵՆԻՑՆԱԿԱԿ ԵՒՐ, ՈՐ ԾԳՏՎՈՒՄ ԵՔ ՄՏԵՐ ՎՈՅՔԻՑ
ՑԱՆԿԱԿՈՒՄ ԵՒՐ ԶՈՒՅԼԻ ԸՆԹԵՐՏՈՒՆԻՑՈՒՄ:



ԳՐԵՐ ՄԻՑ՝ freebooks@rambler.ru

ՄԻՍԱԿ ՏՈՒՆՆԵՅ

ՎԵՅԻ ԱՅԿԱՆԵՏ



ՄԻՍՍԷ
ՀՈՎԻՏՅԱՆ

ՎԻՅՆԱ

ԵԱՐԻՉ
ՆԵՐՏԻԿ
ՍԻՄԵՅԱՆ

WIKIS

THE
NEW
INTERNATIONAL

ԳՄԴ 8427
Հ 847

842
Բմ
Հ 847

Հովենց Մ.

Հ 847 Հայկ Նահապետ: Դրամա չորս արարվածով: Դպր. բարձր տարիքի համար. նկ. Հ. Մամյաճ, Եր.: Սովետ. գրող, 1985 — 96

Հեղինակն այս չափածո դրամայում, պատմական շատ սուղ փաստերի վրա գեղարվեստորեն պատկերել է օտար նվաճողների դեմ հայ ժողովրդի պայքարի իրադարձությունները

Հ 480301 0200 (57) 85 «Տ»
705(01) 85

ԳՄԴ 8427





ԳՈՐԾՈՂ ԱՆՁԵՐ


- ՀԱՅԿ** — Հայոց Նահապետ
ՀԱՄՐԱՄ — Հայկի կինը
ԱՐՓԱԿՆ — Հայկի դուստրը
ԱՐԱՄԱՆՅԱԿ }
ԽՈՌ } — Հայկի ուստրերը
ՄԱՆԱԿԱԶ }
ԻՍԿԱՆԻ — Հայկի զինակիցը
ՏԱՐԲԱՆ — Արևի տաճարի մեհենապետը
ԱՌՆԱԿ — Զորական, հետո Հայկի զինակիրը
ԲԵԼ — Բաբելոնի արքա
ՆԻՆ — **ԽՈՒՐՄԱԳ** — Բելի մայրը
ԱԲՈՒԱԼ }
ՊԱՅԱՍՊԻ } — Բելի ուստրերը
ԲԵՐՈՍՈՍ — Անուի տաճարի քրմապետը
ԻՍԻՆԻ — Բելի եղբայրը, զորապետ
ՄՈՆԹԱՆՈՒ — Բաբելական դեսպան
ԲԱԲԱՊ — Բելի արքունապետը
ԲԱՐՉՐԱՍՏԻՃԱՆ ԶՈՐԱԿԱՆ — Բելի կողմից

ԴԱՅԱԿ — Արփակնի
ԱՎԱԳ ԶԻՆԱՎԱՐՊԵՏ — Հայկի կողմից
ՄԱՆԳՈՒ — Յեղապետ Սլուն ցեղի
ՕՏԱՐԱԿԱՆ — Սլուն ցեղից
ՍՈՒՐՀԱՆԴԱԿ — Կաղմոսի կողմից
ԳՈՒԺԿԱՆ } — Հայկի կողմից
ԲԱՆԲԵՐ }
Ա. ԳՈՒՍԱՆ } — Հայ գուսաններ
Բ. ԳՈՒՍԱՆ }
Գ. ԳՈՒՍԱՆ }

Ա. ՇԻՆԱԿԱՆ }
Բ. ՇԻՆԱԿԱՆ } — Հայ շինականներ
Գ. ՇԻՆԱԿԱՆ }

Հայ և բաբելական զորականներ, սպասավորներ և ժողովուրդ:

(Գործողությունը կատարվում է մ. թ. ա. 3-րդ հազարամյակի կեսերին):



ԱՐԱՐ ԱՌԱՋԻՆ

ՏԵՍԱՐԱՆ ԱՌԱՋԻՆ

Հարթակ տանող բարձրադիր աստիճաններ: Կեց որմնամույթերի վրա բարձրանում է կապտավուն որձաքարից կերտված արևի տաճարը: Թաղակապ տանիքին դեռ նստած է լուսադեմի թեթև մշուշը: Պարիսպի դռնից ներս է մտնում ձերմակազգեստ մի աղջիկ: Նրա ետևից մտնում է մի կին: Աղջիկը մոտենում է տաճարի առջև դրված գոհասեղանին:

ԱՐՓԱԿՆ

Սիրելի մամի,
Սոսու պուրակում՝ ջրի մոտ եղիր,
Ես ինքս կգամ:

ԴԱՅԱԿ

Մենակ թողնեմ քեզ:



ԱՐՓԱԿՆ

Սրբոց տաճարից, դու հո լնվ գիտես,
Չարը վանվում է հազար հրասախ¹ :

ԴԱՅԱԿ

Դողում եմ նույնիսկ մի մազիդ համար,
Ուր մնաց կյանքիդ:

ԱՐՓԱԿՆ

Սարսափի ոգուն վախկոտն է գերի,
Որ իր թույլ անձին լինի զորավիգ:

ԴԱՅԱԿ

Նման պահերին
Իրավունք չունեմ
Թեկուզ և մի քայլ հեռանալ քեզնից:

ԱՐՓԱԿՆ

Ամեն մեկն հոգում գաղտնիք ունի մի,
Որ իր անձին է պատկանում միայն.
Ջուր մի հապաղիր:



ԴԱՅԱԿ

Կամքիդ պահապան
Բագինը² լինի ...

(Դայակը հեռանում է: Աղջիկը գոտու տակից հանում է փոքրիկ դանակը, մազի մի փունջ է կտրում, դնում զոհասեղանին: Ծնկի է գալիս):

ԱՐՓԱԿՆ

Գիշերն էլ անցավ,
Այգն արծաթաթել
Լույսով քշում է դեին խավարի,
Պայծառադեմդ՝ հրաչվի արեգ,
Սնուցող երկրի:
Երկնի տիրուհի,
Ահա դու բազմած քառաձի կառքում,
Օրապտույտդ կսկսես կրկին՝
Մեծահոգաբար լույս շռայլելով
Ալիքվող ջրին,
Հասակին սոսյաց,
Ժայռին,
Քարերին,
Մթին անտառի
Խորքերում ապրող գազանիկներին:
Եվ կմաքառես հանուն ճշմարտի,
Անչար կմնաս դու չարի հանդեպ,



Տես, ծնկի իջած մեղանիդ առջև,
Թույլ տուր, որ քեզ հետ ազատաբանեմ:

(Բակ է մտնում սպիտակամորուս մի մարդ՝ լայնաթև քղամիդով: Արևի տաճարի մեհենապետն է՝ Տարբանը: Նա համաքայլ մոտենում, կանգնում է աղջկա թիկունքում: Արփակնը շարունակում է):

Ո՞ր մեղքիս համար պարգևեցիր ինձ
Այսչափ սիրելու,
Սիրով տրվելու իրավունքը սուրբ,
Որ համտես չանեմ ճակատագրով
Ինձ բաժին ընկած
Մինչ շուրթն առլեցուն կարասի գինուց:
Եվ ի՞նչ անենք, որ ազատ³ եմ ծնվել,
Իսկ Առնակի էլ երակի միջով
Հոսում է իբրև արյունն ընդոծնու⁴.
Հոռի խաբկանքն այս ո՞վ է ստեղծել,
Ո՞վ է սերմանել
Ջանազանումն այս՝ անհեթեթ ու թյուր,
Վերջապես, ո՞վ է նախասահմանել
Մարդկային հոգու հանդեպ այսքան կույր
Տարբերակումը,
Երբ կա ընդոծին՝ բյուր ազատ արժե:

(Ծերունու ծնոտը սկսում է դողալ):

Կենարարդ արդար,
Անսա տիրապաշտ իմ սրտի ձայնին,
Եվ քո երկնային
Լուսասփյուն գահից բարեմիտ նայիր,
Առաքիր լույսդ
Խավարում սուզված էությանս մեջ,
Ուր հողմն հրակեզ
Լափում է հոգիս...

(Մեհենապետի անկանոն շնչառությունից աղջիկը սթափվում է ու հապշտապ հեռանում):

SURFAL

(Դիտելով ձեռքում պահած մազափունջը):

Արև երկնաբնակ,
Որ լույսդ հանապազ սրտեր է խուժում՝
Մարմնավորվում այնտեղ.
Վիթին այս աչագեղ,
Պահպանիր,
Զատիր մտքից ախտաժետ...

(Բակ են մտնում մեհյանում ծառայող երեք այր):

SURFAL


Պահն է արդեն,
Արփին դեմքի բուրրակը
Կիսով չափ, ահա, դարձրեց տեսանելի,
Մեհյանում բարեհաճ բորբոքեք կրակը...

(Լավում է եղջերափողի ձայն: Գայիս է ծիրանի հագած Հայկ Նահապետն իր ընտանիքով ու զորականներով: Ծնծղաներ: Մրգերով սկուտեղներ, գինով ու գարեջրով լի տկճորներ, գառնուկներ և ուլեր ուսած ժողովուրդ):

ՀԱՅԿ

(Հանդիսավոր դիրք ընդունելով)

Ազնակիցներ,⁵
Ուխտավորներ մերձաբնակ,
Հզորագույն արփու բազնին.
Մատուցում եմ
Յոթ արջառներ՝ խաժաչ ու գեր,
Ցուլեր նույնքան,
Նույնքան վիթեր,
Ու քարայծեր էլի նույնքան,
Ու վարազներ սրաժանիք,
Իսկ ոչխարներ՝ երեք այդքան:
Եվ քառասուն տարվա գինին
Ըմպեք սիրով,
Ու երգեցեք,
Ու վարգեցեք,
Ու հաղթեցեք մրցամարտում,
Եվ յոթ գիշեր
Ու յոթ ցերեկ
Պարը թնդա՛ թող մեր Հարքում⁶:



(Ծանօթաներ: Աղջիկները ձեռքներին բարդու, սոսու և կաղնու տերևախիտ ճյուղեր, նետվում են առաջ: Ժողովուրդը բաց է թողնում աղավնիներ: Միաձայն երգում են երեք գուսան):

ԳՈՒՍԱՆՆԵՐ

Տես, տաճարի վրա է
Արևի տաք ժպիտը,
Մեզ թիկունք ու գրահ է,
Թող ապրի մեր նահապետը:

ՉԱՅՆԵՐ

Ապրի,
Ապրի,
Ապրի...

ԳՈՒՍԱՆՆԵՐ

Այս շողակն առավոտին՝
Ջոհ մատուցենք, գինին հետը,
Ցողն է կապել հողին գոտի,
Թող ժպտան մեր նահապետը:



ՉԱՅՆԵՐ

Ժպտան,
Ժպտան,
Ժպտան...

ԳՈՒՍԱՆՆԵՐ

Խինդն է շրջում ամեն մի տուն,
Երբ կապարճում է մեր նետը,
Հայկի ցեղն է հար հաստատուն,
Թող ցնծան մեր Նահապետը:

ՉԱՅՆԵՐ

Ցնծան,
Ցնծան,
Ցնծան..

(Փանդիոի հնչյունների տակ ժողովուրդը պարում է: Հրապարակ են մտնում չորս սուներամերկ զորականներ: Սկսում են ցատկոտել թաթերի վրա, առաջ են գալիս ու զրնգոցով բախվում վահաններով, խաչում սրերը, ապա ետ մղվում:

Այդ պահին սրամերկ հրապարակ է մտնում մի զորական: Ընդհատվում է երաժշտությունը):

ԶՈՐԱԿԱՆ

Կարծրությունը իր սեփական սրի,
Ո՛վ կուզի փորձել իմ սրի սայրին:

(Լռութիւն է: Հայկը խոժոռում է դէմքը):

ԶՈՐԱԿԱՆ

Մնում է միայն
Աղոթել արփու գոհասեղանին:

Ա. ՇԻՆԱԿԱՆ

(Յածրաձայն)

Մի տէս, է...
ՌՎ է այս ջահելն արի:

Բ. ՇԻՆԱԿԱՆ

Անունն Առնակ է,
Հայրն էլ տիրասեր ընդոծին էր մի,
Որ վիհի եզրին,
Մեջքը ջախջախված դեռ մաքառում էր,
Ու ձեռք չէր քաշում արջից ամեհի:

Ա. ՇԻՆԱԿԱՆ

(Ցույց տալով չանգերը)

Ասում են՝ էսպես որսորդ Արբակը,
Կիպ շուլալվել էր
Ահեղ գազանի սև փորատակին:



Բ. ՇԻՆԱԿԱՆ

Վերջն իր հետ տարավ խորքը անդունդի:

Գ. ՇԻՆԱԿԱՆ

Եթե, իսկապես, գավակն է քաջի,
Սրամարտում սա չի էլ նահանջի:

(Սուրը ձեռքին հրապարակ է մտնում Մանավազը, հանում է քղամիդը:
Աշխուժություն ժողովրդի մեջ):

ՄԱՆԱԿԱԶ

Իմ սրի սայրին
Փորձիր քո սրի զորությունն հիմա:

ԶՈՐԱԿԱՆ

Մանավազ, քեզ հետ
Սրամարտել ես չէի ցանկանա:

ՄԱՆԱԿԱԶ

Կեցվածքդ պահիր,
Ինչպես վայել է քաջ զորականին:

(Սրերը խաչվում են: Մաքառման պահին զորականի սուրն իջնում է
Մանավազի սրին: Վերջինիս սուրն ընկնում է ձեռքից: Զորականը մի ճարպիկ
ոստյունով ոտքը դնում է Մանավազի սրի վրա):



ՏԵՍԱՐԱՆ ԵՐԿՐՈՐԴ

Սոսիների պուրակ է: Արփակնի դայակը՝ դեմքը արևին, նստած է գետակի
ափին: Նա սոսու ճյուղով խաղալով ջրի հետ, հանդարտ երգում է:


ԴԱՅԱԿ

Կգաս անուշ գլգլալով
Մեր ձյունների դողը վրադ,
Հանդ ու չոլում թավալ տալով
Բարձրիկ արփու շողը վրադ.
Իմ կապուտակ ջրիկ,
Իմ անուշակ ջրիկ:

Եվ զովություն կբերես մեր
Արտին, հնձվոր էրիկներին,
Ջորականին մեր սրամերկ
Ու մեր ծոցվոր հարսնուկներին.
Իմ կապուտակ ջրիկ,
Իմ անուշակ ջրիկ...

(Ընդհատում է երգը: Սոսու ճյուղը նետում է մի կողմ և անհանգստացած
վեր է կենում):

Արփակն ուշացավ...
Գնամ մի տեսնեմ ինչ եղավ նրան:
Բայց չէ, մի քիչ էլ




Համբերութիւն տուր, արե՛գ աստված,
Որ կարողանամ
Սպասել այնտեղ, ուր պատվիրված է:

(Դադար: Արևից աչքերը կկոցելով)
Եղջերափողը վաղձուց է լռել.
Ու մարդիկ այնտեղ հիմա գինովցած՝
Զոփի՛ են տալի,
Կաքավում ձիեր,
Խաչում են իրար սրեր մերկացած,
Այ երանութիւն...
Արփակն էլ հիմի՛՝
Աղջիկների հետ թև թևի տված,
Դարձապար է բռնել բակում տաճարի:

(Նայելով շուրջը)
Չէ, ինչ եմ ասում,
Թող մարի հոգիս,
Թող որ անձարիս լեզուն չորանան.
Զուր մեղքը առա անմեղ գառնուկիս,
Այնպէս, իր քեֆով նա չի ուշանա:
Հնա՛, չի ուշանա, ես գիտեմ նրան՝
Թե առիթ չկա,
Չկա մի պատճառ...

(Երեք քայլերով գալիս է Արփակնը)
Ահա՛, գալիս է...
Բայց ինչո՞ւ այդպէս դանդաղ է քայլում:
Ահից քիչ մնաց խավարեր լույսս,



Իսկ իր համար՝ ինչ,
Աղամալույսի հովն է վայելում:

(Դադար)

Աման, երեսի գույնը թռել է.
Ու հերակալից
Դուրս են թափվել ծամերը ոսկի,

Շրջազգեստի փեշն էլ պատռել է...
(Գնում է ընդառաջ)

Արփակն, աղջիկս, ինչ է պատահել.
Մացառոճտն ընկար,
Ճամփին քեզ ինչ-որ մարդ է հանդիպել,
Հելուզակ վատթար...
(Գրկում է աղջկա ուսերը)

Հը, դե ասա, է...
Սիրտս ջուր դառավ:

ԱՐՓԱԿՆ

Շրջազգեստս այդ էրբ պատռվեց,
Ես չեմ զգացել...
Ճամփին միգուցե...
(Դիմում է դայակին)

Միայնության մեջ խորհեցի երկար,
Ելքը չգտա...
Մամի, մրսում եմ...



ԴԱՅԱԿ

(Գլխաշորը գցելով աղջկա ուսերին)

Բան չեմ հասկանում,
Էհ, միտքս է տկար,
Ի՞նչ ելք, աղջիկս, ինչեր ես ասում:

ԱՐՓԱԿՆ

(Մատները կոտրատելով)

Ինձ խորհրդակից արևին միայն
Ցանկացա դարձնել,
Զի բնույթով իր խիստ կենարար է,
Գաղտնապահ նաև...

ԴԱՅԱԿ

Պարզ է, կապույտից պայծառ լուսատուն
Տեսնում է շատ բան,
Բայց բերանը՝ խղիփ...

(Մատները սեղմում է իր շուրթերին:
Այդ պահին նկատում է աղջկա կարճ
կտրված վարսափունջը):

Վայ, չտեսնեի, եղիկ ինձ, եղիկ...



ԱՐՓԱԿՆ

Ջոհասեղանին նվիրեցի այն,
Որ մեր կենսաբուխ արևը վերից
Ընդունի սիրով,
Սիրտը մեղմանա՛.
Ու մոր գթությամբ ականջ դնի ինձ:

ԴԱՅԱԿ

Հետո՛:

ԱՐՓԱԿՆ

Արևի բագնի հանդիման ծնկած
Աղոթում էի,
Թիկունքիս կողմից զգացի հանկարծ
Հևրոտ ու ծանր շնչառություն մի.
Թեքվեմ, հ՛ում տեսնեմ՝
Ծերուկ Տարբանն է՝ դեմքը այլայլված...

ԴԱՅԱԿ

Ես էլ կարծեցի բան է պատահել:
Բագնապետը մեր հելուզակ հո չի,
Կանգնի թող,
Որքան իր սիրտը կուզի:



ԱՐՓԱԿՆ

Մամի, վկա ինձ աստվածները մեր,
Ու շողոտ պահն այս ադամալուսի,
Երբեք չի լռի ծերուկ Տարբանը՝
Իմ թաքուն սիրո աղոթքի մասին.
Սիրտս հուշում է անախորժ մի բան:

ԴԱՅԱԿ

(Բռնում է աղջկա ձեռքը)

Վայ, դեղձանիկս,
Իմ ցող վաղորդյան,
Ո՞ր երանելի կտրիճն հոգուդ մեջ
Էդ կրակն արեց,
Ու խորովում է սիրտդ կուսական:

ԱՐՓԱԿՆ

Մամի, իմ սիրո ավարտը բարի,
Գուցե սրտիս մեջ երազանք մնա:

ԴԱՅԱԿ

Չար բան մի ասի,
Գնու, շուրթերդ բարի բաց արա:



ԱՐՓԱԿՆ

Այն այրը, որին սիրտս տենչում է,
Կրտսեր որդին է որսորդ Արբակի:

ԴԱՅԱԿ

(Ձեռքը խփում է ծնկին):


Ասիր Արբակի ... Անմեղ երեխա,
Այն որսորդի, որ վիհին կեր դառավ:
Վայ, ճիշտ որ սիրո հուրը անխնա
Աչք չունի բնավ,
Ում էլ հանդիպի՝ մրրկում, էրում է...

(Դադար: Նայելով աղջկա աչքերին)

Գիտես, ընդոճնու որդու ես սիրում:

ԱՐՓԱԿՆ

Ազատների մեջ չես գտնի մեկին,
Որ կանգնի նրա կողքին հավասար.
Հաղթահասակ է.
Եվ հայացքը՝ սեգ,
Ծավի աչքերում՝ վսեմաշուք փայլ:
Ու վճիռներում անկոտրում է նա,
Նետն է անվրեպ
Եվ սուրը՝ հուժկու,



Կռվի մեջ հողմ է դառնում ահարկու,
Սիրտն էլ բարի է ինչպես երեխան:
Այսքան բանից ետ, դէ, արի, մամի,
Համարենք, որ իմ սիրուն արժան չէ.
Ինչ է՝ ծագումով ընդոծին է մի ...

ԴԱՅԱԿ

Ուշ է, աղջիկս...
Գնա, դէ, գնանք, գնալու ժամն է...

ՏԵՍԱՐԱՆ ԵՐՐՈՐԴ

Սյունագարդ դահլիճ: Սրահի խորքում՝ պատին կախված են նիզակ,
դաշույն, սակր, աղեղ, կապարճ, վահան:

Բազմոցներին նստած են Հայկը, Համրամը, Արամանյակը, Խոռը և
Մանավազը:

ՀԱՅԿ

(Հեգնելով)

Արփակն, ասում ես, սիրահարված է.
Ինչպիսի հանցանք ...

ՀԱՄՐԱՄ

(Մտախոգ)

Արփակնի բախտը
Պետք է մեզ հուզի հավասարապես:



ՀԱՅԿ

Արևն էլ լույսն իր
Պարգևում է մեզ առանց խտրության,
Մտքերիդ թաքուն իմաստը մեկնիր:

ԱՐԱՄԱՆՅԱԿ

Հայր իմ, Արփակնի ընտրած փեսացուն
Սերված է չնչին ընդոծնու տոհմից:

ՀԱՅԿ

(Թիկնելով)

Ընդոծնու դուստր էր և ծնող մայրդ,
Մի վիթաճեմիկ անմեղ աղջնակ,
Ու մաքրակենցաղ,
Զրի պես վճիտ,
Երկինքը վկա, մի քայլող հմայք...
Եվ ինձ պարգևեց որդիներ կտրիճ:
(Դադար: Արամանյակին)
Իսկ ո՞վ է տղան:

ԱՐԱՄԱՆՅԱԿ

Զորականը այն,
Առնակ է կարծեմ անունը նրա,
Որ սրամարտեց Մանավազի հետ:



ԽՈՌ

Հայր, ասեմ նաև՝
Կրտսեր որդին է որսորդ Արբակի,
Որ խորխորատում ավանդեց հոգին:

ՀԱՅԿ

Արբակի ...
Որսում հմուտ այր էր մի,
Անկոտրում էր և խիստ հնարամիտ:

ԱՐԱՄԱՆՅԱԿ

(Ծոցից հանում է թավշյա մի փաթեթ):

Տարբանն ինձ ասաց,
Որ հավախոսին՝
Արփակն արևի
Զոհասեղանի առջև ծնրադիր,
Աղոթում էր իր ընդոծնու համար:

ՀԱՅԿ

(Դիտելով վարսափունջը)

Տեսարանն անշուք,
Խոսքեր սնամեջ,
Որդիս, եղբորդ պարտությունն անշուշտ
Փոթորկվում է քո երակների մեջ:

(Նայելով Արամանյակին)

Աղոթքը քիչ է նման խիզախի
Սիրո համար մեծ
Ու հաջողության,
Պետք է որ լինես բազկակից նրան,
Քանզի հզորը քեզ չի խարդավի:
Իսկ թե կտրիճին
Չգնահատեմ կտրիճավայել
Եվ չհենակեմ կամքը սիրապաշտ
Հարազատ դստեր,
Օ, թո՛ղ որ զրկվեմ լույսից արևի:
(Գալիս է Իսկանին: Նա ամբողջությամբ սպառազեն է):

ՀԱՅԿ

Ի՞նչ լուր, Իսկանի,
Անպատեհ այցդ խորհուրդն ունի իր:

ԻՍԿԱՆԻ

Մարդիկ խժական
Ավարառության մոլուցքով բռնկված
Հարձակվել էին վեհագուլյն արփու
Բազինի վրա:
(Իսկանին հանդարտ մոտենում է մի ազատ բազմոցի):



ՀԱՅԿ

Իսկանի, որքան արագաշարժ ես
Դու սրամարտում,
Կրկնակի անգամ ծուլլ՝ խոսելու մեջ:

ԻՍԿԱՆԻ

Ստահակները դեռ նոր-նոր էին
Հասել բազինի պարիսպներին կուռ,
Մեր երեքթևյան նետերից հուժկու
Մի կերպ խուլյս տվին:

(Ներս է մտնում Առնակը՝ առաջ մղելով զինաթափ ու
ձեռքերը կապկպած մի մարդու: Համրամը գնում է:)

ԱՌՆԱԿ

Սլուն⁷ ցեղից է:
Իր խմբով վերին արոտատեղից
Ինչքը մեր կուղեր...
Սակայն նրանցից
Շատերին սիրով
Ճանապարհեցինք աշխարհը ալքի⁸,
Իսկ մնացածն էլ եղան ցանուցիր:



ՀԱՅԿ

(Վեր է կենում նայելով անծանոթին)

Ձեռքերն արձակիր:

(Առնակը վարանումով մոտենում է օտարականին):

ՀԱՅԿ

Փուրթաջան եղիր:

ԻՍԿԱՆԻ

(Քմծիծաղով)

Ի՞նչ վեհանձնություն,

երբ արձակում են բիրտ հելուզակին...

(Օտարականը բերանքսիվայր փռվում է հատակին):

ՀԱՅԿ

Արարք կլինի անխոհեմ ու չար,

Որ ինքնագլուխ ազնակցի հանդեպ

Վարվեմ խժաբար...

(Օտարականին ոտքի կանգնելու նշան է անում):

Կյանքդ ի շնորհ,

Վերադարձնում եմ նաև զենքերդ,

Ջանա ետ կանգնել ճամփիցդ խոտոր,

Եվ գիտցիր հստակ՝

Միայն ոչինչն է

Ավարառության հիմքը և վերջը:



ՕՏԱՐԱԿԱՆ

Ո՛վ աստվածազոր,
Կատարեցիր դու
Աշխարհիս համար չլսված մի բան.
Ես և եղբայրն իմ՝
Ցեղապետ Մանգուն,
Կհատուցենք քո հոգեմեծության
Հանդեպ արյամբ մեր:
(Օտարականը դուրս է գնում: Առնակը հետևում է նրան):

ՀԱՅԿ

Զորականդ քաջ, մի՛ աճապարհիր:

ԱՌՆԱԿ

(Առաջանալով)

Պատրանստ եմ լսել
Մեծ Նահապետին:

ՀԱՅԿ

Սրտով հզոր ես,
Ու նույնքան անգամ
Բազուկդ արժան դրվատանքին իմ:
Այրդ թիկնավետ,
Դու զինակիրն իմ եղիր այսուհետ,
Նաև խոհակից՝ բազմահոգ պահիս:



ԱՌՆԱԿ

(Պատյանից հանում է սուրբ և հպում ճակատին):

Պատրաստ եմ կյանքս
Դնել հայրենյաց սուրբ հողի համար:

ՀԱՅԿ

Առնակ, հողը միշտ սուրբ էլ կմնա,
Թե տերը հողի տուրք չտա՞ դավին...
(Դադար)


Արդյոք սլունի կյանքն ապահով է՝
Մինչև հասնելը հայրենի հողն իր:

ԱՌՆԱԿ

Տեր մեր ...
Նախօրոք զգուշացված էր՝
Դրսում սակրավոր
Երեք զորական պահակում էին.
Նրանք կուղեկցեն:

ՀԱՅԿ

(Վեր կենալով) -
Խաթթեից՝ մինչև ծովը Կրկանա՞՞,
Փռված մի երկիր,



Որի լեռների
Ձյուն կատարները ամպերի թեթև
Ոգուն են միայն հասանելի լոկ,
Ու անձավներում,
Որոնց խավարում
Դողը կպատի մարմինը ալքի,
Մարդիկ են կենում խեղճ ու տառապյալ,
Ցեղեր ազնակից,
Դեռ հնուց անտի...

ԻՍԿԱՆԻ

Այդ ինքնագլուխ հելուզակներին
Խելքի բերելը դյուրին չէ այնքան:

ՀԱՅԿ

Դյուրինը միայն
Խուլյս տալն է, Իսկան,
Դժվարին գործից.
Ապա մի փորձիր
Կացարանները մտնել գետնախորշ,
Ու քրեղանից՝ կոպիտ ու անթուրծ,
Ճաշակել նրանց շիլան .հաճույքով:
Երբ մագլցում են որսի ետևից՝
Ժայռերը ի վեր քարայծի նման,
Աշխատիր ելնել միայն առջևից.

Վտանգի պահին չլքել նրանց,
Որ քեզ հավատան...

ԻՍԿԱՆԻ

Հավատան թեկուզ,
Էլի բնույթով
Մնալու են բիրտ ու կրկին անսանձ:

ՀԱՅԿ

(Շեշտակի նայելով Իսկանին)
Երբ ձին դաշտերով սուրում էր անսանձ,
Սահումով թեթև նման երազի,
Ասա՛, բնույթով այն հեշտասանձ էր:
Երազն էլ սանձվի ...
Սակայն անկոտրում ձին այդ երազի
Ինձ ու քեզ համար
Ա՛րդ, նժույգ է մի:

ՄԱՆԱՎԱԶ

Հայր, մանր ու անհայտ
Ցեղեր էլ կան, որ
Հարկ չէ երևի նրանց ճանաչել:


ՀԱՅԿ

(Պատուհանից դուրս նայելով)

Ահա՛, դիմացի այս սարաբերդը,
Որի կատարին աստվածն է ամպի՝
Ցեղեր համարենք ամեն մի շերտը
Եվ սարը՝ մի ազգ,
Եկ ու կործանիր ...


(Դադար: Դեպի նստածները)

Ուրեմն իմացե՛ք,
Որ մեր հարավում
Աքքադն¹ է հզոր,
Որ նմանակը չուներ դավերում.
Եվ ահյակ կողմում՝ Մուշկն² ու Խաթթերն են՝
Քոչվորաբնույթ ու ավարառու ...
Որին թվարկեմ.
Կորովացել է երկիր Փյունիկեն³:
Զորաշարժումով Ղպտին⁴ եղկելի
Ծավալ է տալիս իշխանությանն իր,
Եվ պետք է սրանց դիմագրավենք:
Սիրելիքդ իմ,
Այլ կերպ չի՛ վնի.



Միայն ջերմությամբ պետք է նվաճենք
Հավատը պառակտ ազնակիցների,
Ինչպես ժեռ քարի սիրտը նվաճեց
Կրակը բոսոր,
Ու հոգուց քարի երկաթը շաչեց ...
Եվ հիմա ունենք խոփ, սակր դւ սուր:





ԼՐԱՐ ԵՐԿՐՈՐԳ

ՏԵՍԱՐԱՆ ԱՌԱՋԻՆ

Մի ընդարձակ սրահ: Պատերը ծածկված են ռազմական տեսարաններով, մահապատժի ենթարկված գերիներ պատկերող բարձրաքանդակներով: Պատերի տակ աստվածների արձաններ:

Սրահի վերնամասում՝ սեղանը բոլորած արքունին գինովցած է:
Բելը մտահոգ ընկղմվել է գահույքի մեջ:

ԲԵԼ

Արդարև,

Թորշոմած ձեր երակներում


Աքքադական նռան գինին է եռում:

(Արքայական գավազանով ներկաներին հեռանալու նշան է անում: Բոլորը վեհերոտ հեռանում են: Թիկնապահները դեռ հապաղում են):

Եվ դ՛ուք,

Թիկնապահներ ...

(Թիկնապահները նույնպես հեռանում են)



Մնում է մեկուսի այսպես թիկնել
Ու խորհել շուրջն անելիքիս,
Ապա թե՛ ո՛չ այս ծանրամիտները
Կխամրեցնեն ակնը խոհերիս:

(Աչքերը մի պահ սահեցնում է կուռքերի վրայով, ապա երկար կանգ առնում նրանց կենտրոնում գահանիստ իր ոսկեձուլլ արձանին):

Բազմաքանդակ կուռքեր ...
Բաբելոնին⁵ իշխող
Մեկ աստծու գոյը
Արդյոք հերիք չէ,
Եվ այն էլ ինձ նման հզորագույնը:

(Ձեռքը թափ է տալիս)

Սրանց հարցն այլ է,
Ու վեհանձնաբար
Դիրքն իրենց չեն զիջի կամովին,
Սակայն զորությամբ իմ,
Ինչպես շումերներին⁶,
Երկիրն աշուրա⁷,
Ըմբռնչանեցի որպես գավաթները իմ:
Եդովմն⁸ էլ ինձ չանսաց՝
Դաշնակից համարեց Հուդային⁹,
Բայց զատ-զատ գերեցի ես նրանց:
Խուրրիներն²⁰ անգամ ընդվզվել ջանացին՝

Ոտքս ընկան ծնկաչոք նրանք էլ.
Իմ կուռքին գահն իրենց զոհ բերին մովաբցիք²¹,
Դարպասն իր բաց արեց Մենեֆիսն²² իմ առջև:
Ամորի²³ ցեղի գոռ Ամոն ցեղապետի
Մարմինը կիզեցի
Իմ բազնի կրակով,
Հող-փոշի դարձրեցի երկիրն էլ էլամների²⁴:
Բեթսան²⁵ էլ սուր ճոճեց,
Բայց վահանը նրա
Փափուկ էր սրիս դեմ կավն ինչպես,
Դագոնին քանանացոց²⁶
Գահուլքի հետ իրեն,
Ճզմեցի՜ ոտքիս տակ վերջապես:
Ա՛րդ, կողմում հյուսիսի,
Լեռներին սառնաշունչ
Իշխում է Հայկի ցեղը ինքնագլուխ:
... Եվ քաջ նետաձիգ է,
Ահեղ է,
Ռազմաշունչ ...
Եփրատի հոսքով վար
Նրա մուլած մարդիկ
Բաբելոն են գալիս կլոր նավակներով՝
Վաճառում ազնիվ գինի,
Բուրդ՝ վառվող կարմիր:

(Ներս է մտնում քրմապետ Բերոսոսը, գլխին՝ փաթթոց-խուլր: Ճերմակ պարեգոտի վրա՝ թանկարժեք քարերով ու մարգարիտներով զարդարված թիկնոց, ոտքերին՝ սպիտակ մուկեր):

ԲԵԼ

Արբոն²⁷,
Արթնամիտ ու ամենատես
Հզոր Անուի²⁸ պատգամավորին:

ԲԵՐՈՍՈՍ

Գուցե տարածամ է,
Սակայն աստվածային խորհուրդն ինձ մղեց ...


ԲԵԼ

Ի՞նչ խորհուրդ է, Բերոսոս:

ԲԵՐՈՍՈՍ

Սրտից Բաբելոնի բարձրյալիդ փառքը
Հասավ տիեզերաց անհունին աստեղնախիտ,
Հետայսու կքննես ոչ միայն բազմախիտ
Բարքը աքքադացոց, նաև լուսնի վարքը:

(Վեր կարկառած ձեռքերը իջեցնելով)



Մեկնեմ՝
Քավդեա²⁹ քրմերը մեր
Բարձր աշտարակից հզոր Անուհի,
Ջննեցին բազում տիվ ու գիշեր
Երկնքի անհունն աստղածիր,
Եվ քանի ժամում է լուսինը
Բուլորում պտույտի շրջանն իր:

ԲԵԼ


Խորամիտ Բերոսոս,
Հյուսիսում մեկը դեռ
Չի ծռում իմ դեմ հպարտ գլուխն իր,
Նրան պիտի խոնարհեմ կուռքիս դեմ ...

(Խուզարկու նայելով)

Հայկին դու գիտես.
Գոռոզ մի լեռնական,
Որի մարդիկ հաճախ Բաբելոն են գալիս՝
Վաճառում ազնիվ գինի և կարմիր որդան:

ԲԵՐՈՍՈՍ

Խորհուրդին հասու եմ,
Սակայն դժվար է տիրելը կռվով ...
Փոքրիկ ցեղ է թեպետ,



Բայց կարծր սրով
Հատում է նույնիսկ բրոնզեղեն աշտեն,
Ամենահաս նետով սփռում է զարհուր:
Իսկ պայտերը նրա մրրիկ ձիերի՝
Ինչպես կայծքարեր, արձակում են հուր:
Այլ է, եթե Հայկը
Անսա գերաշնորհ
Խոսքդ, և հյուսիսը թողնի սառցապատ,
Մեղմի նաև ըմբոստ բնույթն իր չարախոհ
Եվ խոնարհվի անձիդ:
Այնժամ որտեղ ցանկա,
Թող բնակվի ցեղով
Կամի՝
Թեկուզ հենց սրտում Բաբելոնի,
Զի գետերը մանրիկ որքան հոսեն հունով
Չուլվեն պիտի ծովի հզոր ալիքներին:


ԲԵԼ

(Ուղղվում է տեղում)

Իսկ ի՞նչ է հուշում բոլորակը լուսնի:

ԲԵՐՈՍՈՍ

Նրա վրա կարմիր բծեր երևացին.
Դա իսկ հաղթությունն է



Հավատի և մտքի,
Ձեռնարկումներ նաև,
Ի կատարումն հույսի ...

ԲԵԼ

(Ինքն իրեն)

Անքանակ զոհեր կմատուցեմ ես
Անուի բազնին,
Ու լուսնի պատվին՝ հատուցում որպես,
Կկերտեմ սյուներ սև քար Քաաբից³⁰ ...
(Բռունցքները սեղմում է ճակատին)

Մինչ շառագունի արշալույսը պերճ,
Թող Բաբելոնից դուրս գան Մոնթանուն
Եվ կրտսեր որդիս՝
Ուշիմ Պայասպին,
Ու մեկեն Հյուսիս՝
Երկիրն, ուր ապրում է Հայկն աղեղնավոր:



ՏԵՍԱՐԱՆ ԵՐԿՐՈՐԴ

Առավոտ է: Սյունազարդ շենքի հարթ տանիքին կանգնած են Առնակն ու Արփակնը՝ նորապսակի հագուստով: Նրանց ետևում Համրամն է՝ ձեռքերը նորապսակների գլխին դրած: Իսկ առջևում Տարբանը, դեպի արևը մեկնած կրակի նշանը, երգեցիկ աղոթում է: Ներքևում շքեղ հանդերձով կանգնած է Հայկը, գորականներ ու ժողովուրդ:

ՏԱՐԲԱՆ

«Այգ բարև, այ այգ, բարև,
Այգն արևուն տանք բարև,
Տա թագվորին շատ բարև»:

ԺՈՂՈՎՈՒՐԴ

«Վահե,
Վահե»:

ՏԱՐԲԱՆ

«Այգ բարև, այ այգ, բարև,
Այգն արևուն տանք բարև,
Տա թագուհուն շատ բարև»:

ԺՈՂՈՎՈՒՐԴ

«Վահե,
Վահե»:

(Տարբանը հանդիսաքայլ իջնում է աստիճաններով: Նրան հետևում են նորապսակներն ու Համրամը: Նրանց առջև կանգնում են երեք փանդոսահար գուսան):

Ա. ԳՈՒՍԱՆ

Բյուրեղից է Արփակնի թագը,
Նման մեր ձյուներին սարերի,
Արևի պես՝ դեմքը բուրբակ,
Հասակն է սլացիկ չինարի:

Բ. ԳՈՒՍԱՆ

Արփակնի վարսերը շողերն են
Տիեզերաց շողացիր ակնի,
Աչունքը Արփակնի ծովեր են,
Եվ փայլը Առնակի սակրի:

Գ. ԳՈՒՍԱՆ

Արևն է ուղարկում համբույրներ
Ու ժպտում երկնքից շափյուղա,
Եվ երկրին սիրավոր զույգը մեր
Պարզևի թող յոթը քաջ տղա:

(Աղջիկները սոսու ձյուղերից գործած պսակներ են գցում նորապսակների պարանոցին: Ծնծղաների ու փանդիոների հնչյունների տակ պարում է ժողովուրդը: Բակ է մտնում մի գորական):



ԶՈՐԱԿԱՆ

Բանագնացներ են

Բաբելոնից եկել

Թիկնապահներով իրենց՝ փոքրաքանակ:

(Լուսմ է երաժշտությունը: Զորականները մերկացնում են սրերը: ժողովուրդը տագնապի մեջ է):

ՀԱՅԿ

Իսկ ո՛ւր են նրանք:

ԶՈՐԱԿԱՆ

Դարպասի առջև:

ՀԱՅԿ

Թող ներս բարեհաճեն:

(Թիկնապահների ուղեկցությամբ բակ են մտնում երկու դեսպան: Ավագ դեսպանը բարձրացնում է եռաժանի մականի ոսկեզօծ ծայրը):

ԱՎԱԳ ԴԵՄՊԱՆ

Ողջո՛ւյն ամենազոր Բելից տիեզերափայլ,

Որ միահեծ տերն է շքեղ Բաբելոնի,

Ինչպես և Աշուրի:



ՀԱՅԿ


Հյուրը պատկանում է հզոր աստվածներին,
Թե բարի է մտոք՝
Կանսամ խոհեմաբար,
Եվ կգոհացնեմ հյուրամեծարությամբ:

ԱՎԱԳ ԴԵՍՊԱՆ

Աստվածայինի կամոք՝
Մենք հյուսիս ենք եկել մի հույժ կարևոր
Պատգամով երկնահաճ:

(Թիկնապահներից մեկը թավշյա փաթեթից հանում է կավե երկու պնակիտ³¹
ու մեկնում ավագ դեսպանին: Վերջինս հանդիսավոր ու երգեցիկ կարդում է):

Եվ դիմում է քեզ աստվածն հզորագույն,
Ինքնակալը միակ,
Տերը միահեծան.
Գիտցիր,
Որ Բելից երկինքն էլ է սոսկում...
Գիտեմ, կամքդ է
Կյանքդ մշտնջենի
Մաշել լեռների ծերպերում սառնասառույց,
Սակայն տաքացրու քո հպարտ բնույթի
Սառնամանիքը ցուրտ,



Եկ,
Հնազանդվիր գահիս:
Հետո տիրույթուն իմ,
Ինքդ ուր կհաճես,
Թե ցանկաս,
Թեկուզ սրտուն Բաբելոնի,
Տեղով քո,
Ինչքով բնակվիր տիրապես:
Իսկ եթե ոչ ...

ՀԱՅԿ

Պարզ է միտունը ողջ:

(Հայկը տեղուն ետ ու առաջ է անում:
Լարված վիճակ է):

ՀԱՄՐԱՄ

Մեր ուրախ գինին,
Արդար հացը մեր,
Թունավորեցին ... Օ, փրկիր, արեգ:



ԱՎԱԳ ԴԵՍՊԱՆ

Բայց, Հայկ աղեղնավոր,
Շարունակելի՛ է,
Խոսքի վերջաբանին չեմ հասել ես դեռ:

ՀԱՅԿ

Համն զգճում եմ դժխեմ վերջաբանի ձեր ...
(ժողովուրդն ալիքվում է: Հայկը վճռական դիմում է բաբելական դեսպանու-
թյանը):

Ասացեք, Աշուրի,
Եվ ձեր Բաբելոնի անկուշտ տիրակալին,
Ազատասեր Հայկն իր ձյունոտ լեռների
Հար հավատարիմ որդին կմնա,
Անդճվ կմնա նաև իր ցեղին:
Ապա ասեք նաև ձեր Բել արքային,
Իր մոլի ձգտմանն ու մղումին փառատենչ,
Անշնչուտ, կհետևի սպանդ մի սաստկալի:

ԿՐՏՍԵՐ ԴԵՍՊԱՆ

Որպես կրտսեր որդին հզոր տիրակալի,
Հայտնի է ինձ նրա բնույթն աստվածակերպ,
Խոհեմներին բոլոր լինում է հովանի,
Դառնում է անողոք ըմբոստների հանդեպ:



ՀԱՅԿ

Ուշիմ ես, պատանյակ,
Սակայն փոքր ես դու շատ,
Քեզնից խելոքներին խորհուրդ տալու համար:

(Դադար)

Ո՛վ էլ լինի թեկուզ,
Երբ ավազի վրա
Կուրորեն հիմնում է իշխանությունը իր,
Մի հզոր հողմից փոշի կդառնա:

ՏԵՍԱՐԱՆ ԵՐՐՈՐԴ

Բարձրադիր բազմոցին մտախոհ նստել է Հայկը: Մյուս բազմոցներին տեղավորված են Արամանյակը, Մանավազը և Իսկանին: Գալիս է Տարբանը:

ՏԱՐԲԱՆ

Վկա հրաշվի արփին երկնաճեմ,
Այսօր անտառում անձամբ ականջեցի՝
Սոսյաց գրույցն էր դարձել սրտաճմլիկ.
Նշան չէ բարի:



ԻՍԿԱՆԻ

Նահապետ, հուսանք գուշակ Տարբանը
Սոսյաց երգեցիկ սվավոցներով
Կփակի ահեղ թշնամու ճամփան:

(Փոքր աշխուժություն է տիրում: Հայկը սաստում է):

ՀԱՅԿ

Հարգ է, Իսկանի,
Պետք է ակնածել
Արփու տաճարի սպասավորից:


ՏԱՐԲԱՆ

Նահապետ,
Թող որ պաշտպան լինի քեզ
Բարձրյալին հզոր՝ շողավարս արփին:

ՀԱՅԿ

(Տարբանին առաջարկում է մի ազատ բազմոց):

Մեհենապետ,
Առանց սոսյաց զրույցի էլ
Բարի չի սպասվում՝
Գնալու ենք ի գեն ...
Զի Բելն անձնահաճ է,



Եվ չի հանդուրժի:
Կշարժի խուռնընթաց գորքն իր գրահեղեղ,
Պետք է պատրաստ պահենք ասպար և աղեղ:

ՄԱՆԱԿԱԶ

Հայր, եթե քեզնից չերկնչեի,
Այդ կարճատուի լեզուն զազրապտույտ,
Սրիս սայրին հարմար հեսան կդարձնեի:

ՀԱՅԿ

Բանագնացը, օրենք է աներկբա,
Թե մական է կրում դեսպանական.
Անձն ապահով է՝
Ուր էլ գնա,
Թեկուզ լինի հողում թշնամական:

ԱՐԱՄԱՆՅԱԿ

Մտում է միայն գնալ ի գէն:

ՏԱՐԲԱՆ

(Ձեռքերը երկինք կարկառելով)

Թող ո՛չ արասցե ...
Ինչո՞ւ ես լռում, ական տիեզերաց:



ԻՍԿԱՆԻ

(Արամանյակին)

Վճիռներում հույժ աճապարելը
Ողջախոհության սոսկ թշնամին է,
Հուսադրողը մեր փոքրաքանակ
Զորական գննդն է:
Եվ ինչո՞ւ իզուր գնալ ոտատակ:

ԱՐԱՄԱՆՅԱԿ

Խորհուրդն անմուլար
Այս պահին, իրավ, բաղձալի է շատ:

ԻՍԿԱՆԻ

Պնակիտներին դաջված էր կարծեմ
Եվ հաստատված իսկ կնիքով Բելի.
«Ինքդ ուր կհաճես,
Թե ցանկաս՝
Թեկուզ սրտում Բաբելոնի,
Ցեղով քո,
Ինչքով ...»

ՀԱՅԿ

Հիշեցնեմ նաև խոսքն այս, Իսկանի.
«Սակայն տաքացրու քո հպարտ բնույթի



Սառնամանիքը ցուրտ

էկ,

Հնազանդվիր գահիս ...»

(Վեր կենալով)

Անցյալում էլ անշուշտ՝

Գծծի էիր դու,

Ձեռք մեկնեցի, դէ, մի պատանյակ էիր,

Այրացւոր,

Դարձար հմուտ նիզակակիր՝

Մնացիր աներկբա մորթապաշտը նույն.

(Հայացքը շեշտակի մեխելով Իսկանիի աչքերի մեջ)

Մին անարգելիդ,

Քո անձնապանծ մարմնի

Մորթն ես ջանում փրկել

Թեկուզ բնույթքիս կործանման գնով:

Եվ արքունական գինարբուքներում՝

Տակառ որկորիդ հագուրդ տալու պատվին՝

Ժայռասովոր,

Ապա բազմաջան մի ցեղ,

Կամենում ես հանձնել շվայտ Բաբելոնի

Արնոտ երախին...

Անցյալի համար ափսոսում եմ, սակայն,

Որի հիմքում էր ծանրածանր նստած

Աստվածությունն իմ կույր բարեմտության:

Սխալմունքս շտկելն



Ուշ չէ անկասկած...

(Դադար)

Արյունը քո պիղծ չի աղտոտել քանի

Ջորականներիցս որևէ մեկի


Սակրի շեղբը սուր,

Ուրեմն ի դճուրս...

Եվ կեցությունդ կապահովես անշուշտ,

Այնտե՛ն ուր չի հասնի ոտքը իմ ցեղի:





ԱՐԱՐ ԵՐՐՈՐԳ

ՏԵՍԱՐԱՆ ԱՌԱՋԻՆ

Բելի պալատը: Բարձրադիր հարթակի վրա փղոսկրյա գահն է: Գահավորակներին ընկողմանել են արքունապետ Բաբայը, Արուալը և Պայասպին: Մոնթանուն աղյուսե պնակիտները ձեռքին սպասողական կանգնել է գահույքից քիչ հեռու: Բելը ջղագրգիռ վիճակում է:

ԲԵԼ

Եվ դ՛ու, այպանելի,
Միայն մերժում բերիր:

(Մոտենում է Մոնթանուին և պնակիտները վերցնում ու զարկում է հատակին: Ներս է մտնում Բերոսոսը: Բելը մատնացույց անելով կտորտանքը, դիմում է Բերոսոսին):

Ա՛յս էր արդյունքը քո նենգ խորհրդի:

ԲԵՐՈՍՈՍ

(Ձեռքերը վեր բարձրացնելով)

Վկա մեծանճն և ամենագոր...




ԲԵԼ

Ա՛րդ, չքվիր խուցը քո,
Քանի դեռ ողջակեզ չես եղել բագնին իմ:

(Ներկաները զգաստանում են: Բերոսոսը դանդաղաքայլ դուրս է գնում: Բելը դիմում է արքունապետին):

Բաբնապ արքունապետ, բնույթը քո գծծի՝
Թոթափիր հոգուցդ օձաշապիկ որպես,
Գիտցիր, չխնայես
Իմ ճոխ գանձարանի
Նույնիսկ վերջին ոսկին:
Իսկ դ՛ու, Աբուալ,
Հորդ թագի պատվին,
Փողեր հնչեցրու հանուն գալիք գահիդ,
Սահմանները իմ ողջ սուրհանդակներ ճամփիր,
Պետք է աստվածն իշխի սեմիթական ցեղի:
Եվ իմ զինարանի դռները լայն բացիր,
Ո՛չ մի նորամարտիկ անգեն չմնա թող:
Ամեն նիզակակիր,
Ասպարակիր ամեն,
Ամեն սակրավոր
Իմանա՛ թող,
Որ իր թիկունքում երկսայրի



Սո՛ւր կա պահված,
Թե նա խնայի՛ անձն իր:

(Ներս է մտնում ոսկեկար զգեստով սպիտակահեր Նին-Խուրսագը: Պայասպին ընդառաջ է գնում: Նին-Խուրսագը ձեռքի կտրուկ շարժումով վանում է նրան):


ՆԻՆ-ԽՈՒՐՍԱԳ

Ի՛նչ գույժ եմ լսում...
Ի սեր աստվածների,
Ցեղը սեմական կործանե՛լ ես ուզում:

(Բելլ մշուշված նայում է մորը: Պայասպին Նին-Խուրսագին գրեթե գրկած նստեցնում է գահավորակներից մեկի վրա: Դրսում՝ աղաղակներ, շեփորահարություն: Ներս է մտնում զինվառ Իսինին: Նա հոգնատանջ տեսք ունի):

ԻՍԻՆԻ

Տիրակալի կամոք,
Փշրեցի քանանցոց ընդվզող հոգին,
Եվ ամբողջ գյուղեր ես փոշիացրի,
Դարձրի մոխրակույտ ամեն մի քաղաք,
Որպես ռազմատուգանք՝
Աքքադական գահին,
Բերել եմ ես հարյուր ուղտաբեռ սպասք,
Ոսկի ազնիվ,
Սարդիոն արյունատեսիլ,
Սրեր, ապա վահաններ դրվագագեղ,



Եվ բաբելական մեր երկնականարում
Որքան հուրհրատ աստղեր կան անեղծ՝
Այնքան ատրուկ եմ բերել ջղուտ ու տոկուն:

ԲԵԼ

Հանուն սեմիթների աստծո հզորության՝
Զրահավառ զորքդ պիտի զորաշարժես,
Դեպի երկիրն Հյուսիս:

ԻՍԻՆԻ

(Հուզված)

Հոգնատանջ է զորքը,
Թույլ տուր, որ տրվի փոքր զորադադար:

ԲԵԼ

Սեմիթ ցեղի հզոր արարչապետի
Կամքն է անդրդվելի:

ՆԻՆ-ԽՈՒՐՍԱԳ

Զլատել է նրան պատերազմը, Բեւ,
Թույլ տուր քիչ շննչ առնի:

ԲԵԼ

Տիրակալը ես եմ տերունական գործի:



ՆԻՆ-ԽՈՒՐՍԱԳ

Հայկի մերժումից
Խոցված ես, հարկավ,
Սակայն գիտցիր, որդիս,
Տիրազուրկ թե թողնես մղումների չար,
Անշուշտ երկրիդ մղձավանջ կբերես,
Նաև կործանում՝ անձիդ տիեզերակալ:

ԲԵԼ

Անձս անվախճան է, անխոցելի նաև:

ԻՍԻՆԻ

Գալարափողը երբ որոտաց խրոխտ,
Մարտիկները մեր՝
Սասանեցին զորքը երկրի ընդվզող,
Սակայն պարսպակուռ
Բերդաքաղաքների պաշարման պահին,
Կիսով կորուստ տվինք զորականների:

ԲԵԼ

Շարժվիր դեպի հյուսիս եղած զորականով,
Մինչ ես կաճապարեմ նոր զորակոչ զորքով:



ԻՍԻՆԻ

Չեմ պարսավի նրանց, եթե թերանան,
Զի չեն եղել երկչոտ,
Տիրադավ նաև:
Երբ օդը կիզող՝ հրամոխրի նման
Մաղվում էր անխնա, ընդդիմակայելն
Անհնարին դարձնում,
Նրանք խելահեղ մահին էին հանձնում
Անձն իրենց՝
Սրտաքեր աղաղակներով...

ԲԵԼ

(Բորբորված)

Զորականի հանդեպ հոր խնամք կա քո մեջ,
Սակայն գիտցիր նաև
Բազնիս հրին անշեջ՝
Կնվիրաբերեմ զորապետին նույնիսկ:

ՆԻՆ-ԽՈՒՐՍԱԳ


(Գրեթե խելակորույս)

Իսինի,
Որդիս...

ԻՍԻՆԻ

(Առաջանալով դեպի մայրը)

Ամեն զորագլուխ, իրավ, պարտավոր է



Սրտանց մտահոգվել՝
Զորականների նույնիսկ հողատապով:

ԲԵԼ

Անշնչտ, մի զորական,
Չնչին նիզակակիր,
Թանկ է հզորագույն գահից տիրակալիդ:

ԻՍԻՆԻ

Գահը հզոր է զորականի սրով:

ԲԵԼ

Կիզել բազնիս հրով...

(Մուտքի մոտ պահակող մի խումբ սակրավորներ առաջանում են դեպի
Իսինին: Իսինին սրամերկ ընդառաջ է գնում: Վերջիններս ընկրկում են):


ԻՍԻՆԻ

(Թեք նայելով)

Բելը հայտնի է
Վարքով քմայական.
Բարձակից կդարձնի ստորինին նույնիսկ,
Եվ հաջորդ պահին կգլխատի նրան:

(Սուրը դնում է պատյանի մեջ և դուրս է գնում: Նրան հետևում են
սակրավորները: Նին-Խուրսագն ուշաթափվում է):





ԱՐԱՐ ՉՈՐՐՈՐԳ

ՏԵՍԱՐԱՆ ԱՌԱՋԻՆ

Ջինագործի արհեստանոցը: Չախ կողմում մի երիտասարդ փուլքսով օդ է մղում կրակին: Կողքին զնդանն է: Պատերի տակ սեղաններ են, որոնց առջև աշխատում են մի քանի վարպետներ: Մրուտ պատերին կախված են զինագործական գործիքներ: Վարպետները կիսամերկ են՝ կաշվե սև գոգնոցներով: Սպիտակահեր զինագործը ունելիով կրակի միջից դուրս է քաշում չիկացած երկաթը, դնում զնդանին: Երկու երիտասարդ մուրճերով համաչափ հարվածներ են տեղում:

Ներս են մտնում Հայկը, Արամանյակը և Առնակը: Ավագ զինավարպետը ջիռթված՝ երկաթի կտորը գցում է հատակին ու առաջ գալով երկրպագում: Երկրպագում են և մյուսները:

Հայկը տարեց վարպետի թևից բռնած ոտքի է կանգնեցնում:

ՀԱՅԿ

Հմուտ զինավարպետ, հարկ չէ երկրպագման,
Արդ, հարկավոր են մեզ սրեր երկաթակուռ,
Սակրեր սրաշեղբ,
Նիզակներ ու վահան:



ԱՎԱԳ ԶԻՆԱՎԱՐՊԵՏ

Զենքերն ամեն պատրաստ են արդեն,
Պատրաստ են նաև պահպանակները,
Սաղավարտները,
Ասպարն ու աշտեն:

(Ցույց է տալիս աջ կողմի դուռը: Երեք երիտասարդի նշան է անում:
Նրանք մտնում են զինատուն, իսկույն վերադառնում՝ հետները բերելով
դրվագադեղ պատյանով մի հսկա սուր ու վահան՝ կենտրոնում երախաբաց
առյուծ):

ԱՎԱԳ ԶԻՆԱՎԱՐՊԵՏ

Սա երկսայր սուրն է մեր Նահապետի,
Սա էլ ասպարը՝
Պահապան լինեն թող մշտնջենի:


(Հայկը ձախ ձեռքով վերցնում է ասպարը, աջով սուրը և ծանր ու թեթև
է անում):

ՀԱՅԿ

Ոսկի ձեռքեր ունես, հարկավ, զինավարպետ.
Սուրը քիչ թեթև է թվում ձեռքիս, սակայն
Վահանն այս կբաղձի ամեն մի զորապետ:

ԱՎԱԳ ԶԻՆԱՎԱՐՊԵՏ

Նահապետը մեր թող հզոր կենա,
Հանդուրժող, թե քիչ ազատաբանեմ,



Եղել եմ Ղպտում ու գնել հինա,
Աշուրը իմ հինգ մատի պես գիտեմ:
Վկա տարիքս, ինձ Բաբելոնն է
Զարմանք պատճառել իր շքեղությամբ,
Նաև ասում են՝ չի տեսել աչքս,
Նրա ամրակուռ գանձարաններում
Անթիվ ոսկի կա,
Սարդիոն ու հասպիս,
Էլ ինչ է կորցրել նա մեր սարերում:

ՀԱՅԿ

Փառապաշտություն...
Նա տանել չի կարող,
Երբ մեկը ջանում է ապրել ինքնագլուխ:

ԱՎԱԳ ԶԻՆԱՎԱՐՊԵՏ

Վնյ ես... Նահապետ, ծերիս հանդուրժիր,
Պճ, բնույթի խենթ երակ էր, անցավ,
Կուռս դեռ պինդ է, հոգով էլ եմ ժիր...

ՀԱՅԿ

(Ուսերը թոթվելով նայում է Արամանյակին և Առնակին):

Ինչ է, ցանկանում է կրել զենք ու ասպար,
Այն էլ այս տարիքում:



ԱՎԱԳ ԶԻՆԱՎԱՐՊԵՏ

Նահապետ հզոր,
Ախր սակավ ենք զորական թվով,
Բեւն՝ հսկայազոր:

ՀԱՅԿ

Բայց նրա սրտում, գիտցիր, նստած է
Փառքի անփառունակ վախճանն անկասկած:

(Ներս է ընկնում մի սուրհանդակ ու փռվում հատակին):

ՍՈՒՐՀԱՆԴԱԿ

Անմխիթար է թեպետ դերը գուժկանի,
Լռությունս էլ հիմա կործանող է, անշուշտ,
Թող հայտնի լինի մեծիդ դյուցազունների՝
Բեւը գլուխն անցած զորքի հսկայակույտ,
Քաջերով ծանրագեն,
Աշտարակներով ու զարհուր բաբաններով,
Ապա ծանրաշարժ ուղտերով ահեղատեսք,
Ողջը հրի տալով
Քեզ վրա՝ է գալիս ինչպես հեղեղահոսք:

ՀԱՅԿ

Իսկ Կադմոնսը, գուժկան:

ՍՈՒՐՀԱՆԴԱԿ

Մազապուրծ ճողոպրեց՝
Հողն ու ինչքը թողած՝
Գալիս է դյուցազուն որդիներով իր քաջ:

ՏԵՍԱՐԱՆ ԵՐԿՐՈՐԴ

Կրկին սյունազարդ դահլիճը: Հայկը ծանրախոհ նայում է պատուհանից
դուրս: Արամանյակը, Խոռը, Մանավազը և Առնակը լարված վիճակում են:
Բոլորն էլ զինավառ են


ՀԱՅԿ

Չենք գնում շքերթի ծիրանի զգեցած,
Կամ թե պատերազմը պարեգոտ չէ շքեղ,
Որ հագնենք հաճությամբ.
Կշահենք քաջությամբ,
Թե մարտում չտիրի՝ ջղերին ձեր լարված,
Մոլությունը ահեղ:

(Դրսում աղաղակ է: Ներս է ընկնում մի գուժկան՝ ձեռքերը խելակորույս
թափահարելով):

ԳՈՒԺԿԱՆ

Գ՛ՆԼԺ,
Գ՛ՆԼԺ,
Գ՛ՆԼԺ,



Ու գույժը թող
Հայտնի լինի մեր հզոր Նահապետին.
Աղի ծով՝ հոսող ձկնառատ գետի³³
Հեղեղատից անդին Բելն է բանակել,
Զորքով իր խուժդուժ,
Բազմամ, ծանրազեն...


(Փռվում է հատակին: Ներս են մտնում երկու սպասավոր ու դուրս տանում նրան: Գալիս է Տարբանն ամբողջովին սևազգեստ):

ՏԱՐԲԱՆ

Արփին խռովել է...
Թճխապ է ցեղիս գլխին...

ՀԱՅԿ

Փոքր-ինչ հապաղելը
Արդեն անհերթեթ է:
Ու հենց վաղը ևեթ
Պատրաստ կենան մարտի՝ ազատ, թե ընդոծին.
Եվ Բելին պետք է, որ դիմագրավենք մենք
Աղի ծովից անդին:
Աջը՝
Արամանյակ, ապավինում եմ քեզ,
Նաև բազուկներին երկու եղբայրներիդ,
Որդոց հետ Կադմոսը ընթանա թող ձախից,



Քանզի սրամարտում հմուտ են հայտնապես,
Իսկ ես էլ առջևից.
Եվ գունդն ասպարազեն՝
Զորավիճ լինի մեզ:

ՏԵՍԱՐԱՆ ԵՐՐՈՐԴ

Գետի հեղեղատի մոտ, կանաչախիտ հարթության վրա հայկյան զորքն է:
Մեհենապետ Տարբանը աջ ձեռում՝ սուր, ձախում՝ ասպար, կանգնած է
զորքի առջև: Նրա աջ կողմում ավագ զինագործն է: Դիմացը, քիչ հեռվում,
Արամանյակն է, Մանավազը և Խոռը:

ՄԱՆԱՎԱԶ

(Նայելով հեռուն)

Որքան էլ հոծ են անիծվածները
Ու երփնահանդերձ:

ԽՈՐ

Բռնապետ Բելի իշխանության տակ
Որքան ազգեր կան՝ մեզ հյուր են եկել:

ՄԱՆԱՎԱԶ

Մեր հայրն իրավ է՝
Հենց տանդ շեմին,

Հյուրին միմիայն պետք է պատիվ տալ
Արժանագույնը:

ԱՐԱՄԱՆՅԱԿ

Այդպիսի հյուրի՛...

ՄԱՆԱՎԱԶ

Հո գիտես, ծովի փոթորիկների
Հետ ես շուրջպար եմ բռնել կյանքում ողջ,
Դեռ ասի չհասած՝ ձգտել եմ կրկին
Խրվել նրա խենթ ալիքների մեջ:

ԽՈՌ

Բայց նենգ է ծովը ու խռովահույզ:

ՄԱՆԱՎԱԶ

Նենգության ոգուն սարսուռ է պատում,
Երբ հանդիպում է հզորի սրին:

(Աշխուժություն գորքի մեջ: Գալիս է Հայկը: Նրան ուղեկցում է Առնակը
հայկյան լայնալիճ աղեղն ուսած):

ՀԱՅԿ

Մեհենապետ Տարբան...
Զինագործ, դու էլ...



SԱՐԲԱՆ

Նահապետ հզոր,
Սուրն ու մեղանն իրար
Համախոհ են դառնում պահին արհավիրքի:

ՀԱՅԿ

Զինավարպետ, ասա՛,
Տարիքն ու ասպարը համախոհ են իրար:

ԶԻՆԱԳՈՐԾ

Դեռ ես կարող եմ,
Մեր զորքին, տէր իմ, գուցե օգնւտ տամ:


ԶԱՅՆԵՐ

Հելուզակները...
Թիկոնները պահեք...

(Գալիս են երկու օտարական և խոնարհվում Հայկի առջև):

ԱՎԱԳ ՕՏԱՐԱԿԱՆ

Մանգուն եմ
Ցեղապետը սլունի ցեղի,
Սա էլ եղբայրս է՝ հմուտ նիզակակիր,



Որին աստվածաբար կյանք շնորհեցիր:
Այս վտանգի պահին՝
Հատուցում որպես, ինձ հետ բերել եմ
երեք տասնյակ ընտիր սակրավորներ,
Նույնքան նիզակակիրներ՝ տոկուն ու արի,
Եվ պարսատիկավորներ՝ երեք տասնյակ,
երեք տասնյակ ճապուկ նետաձիգներ,
Եվ երկու եղբայրներիս արյունը տաք:


ՀԱՅԿ

(Զգացված)

Թող որ արյունը ձեր չսառչի՜ երբեք:

(Դեպի գործը)

Զորականներս,
Խավարը զարհուրելի
Խրվել է մեր լեռների սիրտը՝
Գետից անդին,
Ու Բելին ինչ փուլթ անմեղ զոհերն ամեն,
Կորուստն հոգիների,
Միայն կործանի մեր ըմբոստության ոգին:
Եվ դ՛ուք,
Որ ավերի ամպեր եք պահում սանձած՝
Հանուն գոյատևման հեռավոր ափերի,
Ուժերի անհավասար
Մարտում պետք է որ ամեն մեկդ դառնաք



Պատերազմի աստված:
Թե՛ ո՛չ, կդառնաք դուք քմայական Բելի
Ստրուկներն հետին:
Սիրելիներդ իմ,
Իմ քաջ զորականներ,
Այս գոռ ալիքների խառնաշփոթի մեջ
Անշեջ պահեցեք ձեր ոգին ազատության՝
Բոսորափայլ, ինչպես արփու Բագնի առջև
Հոլորդ հավերժ վառման:
Օ՛ն, ուրեմն առանց...

ՏԵՍԱՐԱՆ ՉՈՐՐՈՐԴ

Սյունազարդ մի պատշգամբ: Համրամը ճեմում է մտախոհ: Արփակնը
հենվել է պատշգամբի բազրիքին ու թախծոտ նայում է հեռուն: Սպասուհիներ:

ԱՐՓԱԿՆ
(Մոտենալով մորը)

Արդեն ինձ համար անտանելի է:

ՀԱՄՐԱՄ

Էհ, բանբերները մեզ մոռացել են:



ԱՐՓԱԿՆ

Գուցե դժվարին կացության մեջ են:

(Նայելով մորը)

Չգիտեմ ինչո՞ւ,

Մեր հաղթանակին ես չեմ կասկածում:

(Համրամը գրկում է աղջկա գլուխը):

ԱՐՓԱԿՆ

Մայր, կամենում եմ...

ՀԱՄՐԱՄ

Նվիրված է քեզ վերուստ վայելում:

ՍՊԱՍՈՒՇԻ

Տիրուհիս, դեպի մեզ է շտապում

Զինավառ մի այր:

(Իրարանցում: Բանբերը հևասպառ բարձրանում է քարե աստիճաններով):

ՀԱՄՐԱՄ

Ի՞նչ լուրեր մարտից...

ԲԱՆԲԵՐ

Դե՞ր կործանվեց:



ՀԱՄՐԱՄ

Բանբեր, շուրթերդ թող ցողվեն շողով
Վառ արեգական:

ԲԱՆԲԵՐ

Տապից մեռնում եմ...

ՀԱՄՐԱՄ

Մառանի գինուց մատուցեք, շտապ:
(Բանբերին)

Ո՛վ արևորդի,
Խոսիր, որ գոնե հասկանանք մի բան:
(Սպասուհին բանբերին գինի է մատուցում):

ԱՐՓԱԿՆ

Մայր, սիրտս ասես տեղից թռչում է,
Ու ականջներիս խորքում մեր աղի
Ծոփն է մռնչում:
Ա՛խ, ավետաբեր, թե ճշմարիտ է
Վախճանը դևի
Ու ստույգ նաև հաղթանակը մեր՝
Հյուսքերս ամեն
Կընծայեմ արփու զոհասեղանին:



ԲԱՆԲԵՐ

Վկա տիեզերաց բարձրիկ արփին մեր՝
Դևը տապալվեց:
Եվ ինչպիսի՞ դև,
Իսկը զինավառ ահագնությունն մի:

ԱՐՓԱԿՆ

(Աշխուժացած)

Ո՛ւմ սրով ընկավ,
Ասա՛, այդ ինչպես...

ԲԱՆԲԵՐ

Երբ մենք դուրս եկանք դժնաբարք Բելի
Ջորջի դեմ զարհուր,
Ու սպառազեն,
Ասես շանթազեն ամպեր բախվեցին.
Շատ քաջեր ընկան... Ո՛ր մեկին թվել.
Դրանց հետ սլուն արծվենի եղբայրք,
Այրաբար զոհվեց զինագործը ծեր,
Մեհենապետն էլ եղավ ոտատակ:

ՀԱՄՐԱՄ

Խեղճ ծերունիներ...




ԲԱՆԲԵՐ

Խենթութեան պահ էր...
Սրով զարկված
Վիրավոր մարդկանց ճիչերն աղեկոծ,
Գուրջը կշարժեր երկնի ու լերանց:
Այդ դեռ սկիզբն էր,
Վերջն էլ... Ո՛վ գիտեր...
Ու մեկ էլ տեսնենք Նահապետը մեր՝
Գնդով իր հուժկու և ասպարազեն,
Խրվեց թշնամու խառնամբոխի մեջ...

(Դադար: Օձիքը կոճկելով)

Հնա, երբ իր գնդով Նահապետը մեր
Խրվեց թշնամու խառնամբոխի մեջ,
Զորականներն էլ՝ ահյակ ու աջից
Որպես աքցանի հուժկու ատամներ՝
Սեղմեցին նրանց կողերը երկու,
Վիճակը փոխվեց...
Զորքը թշնամու,
Ինչպես մորիկից հայելին ծովի՝
Հեղակարծ դարձավ հոծ ալիքների
Մի խառնաշփոթ:
Ապշելու բան էր...
Իրենց հետ բերած




Ուղտերը նույնիսկ՝ նոթոտ ու բարի,
Վայրենաբնույթ տեղից ծառս եղած՝
Ոտատակ էին տալիս տերերին:

ՀԱՄՐԱՄ

Անշուշտ կամոքն մեր անմեղության,
Եվ ընկածների բարեխոսությամբ:

ԲԱՆԲԵՐ

Երբ թշնամական զորքը խարխափեց
Տագնապի մեջ ու տարակուսանքի,
Բելը բռնվեց խոր զարհուրանքի
Զգացմամբ ներուժ,
Ապա խուժադուժ
Ու վայրաբարո ամբոխին թողած՝
Մի խուճբ քաջերով ամուր շրջափակ,
Նահանջեց դեպի մոտիկ բլրակը:
Բայց չէր վրիպել մեր Նահապետի
Աչքից հայեցող:
Այդ պահ էր ցնցող...
Ինչպես շանթառաք աստված՝
Մեր հսկան
Առաջ մղվեց ու լայնալիճով իր,
Կանգնեց բռնության առջև,



Խավարի,
Եվ ասես մահվան շոշափման նման՝
Պրկված մատները
Այնպես ձգեցին ջլապինդ լարը,
Տավից տնքացին ջղերն աղեղի.
Եվ երեքթևյան սլաքը սուրանց
Ու սեպվեց չարի լանջապանակին...
Որպես փրկության ահեղ հաճույք մի՝
Անցնելով նրա թիկունքի միջով,
Խրվեց լեռան մեջ:

ԱՐՓԱԿՆ


Օ՛, ուրախություն,
Չես տեղավորվում փոքրիկ սրտիս մեջ:
Իսկ էրբ ե՞ն գալու:

ԲԱՇԲԵՐ

Կամքով ողջամիտ մեր Նահապետի,
Ես առաջ անցա մոտ կես հրասախ:

ԱՐՓԱԿՆ

Թե կես հրասախ առաջ ես անցել.
Եղբայրները իմ,
Առնակը նաև,



Պարզ է, շատ շուտով կլինեն այստեղ:
Այդպես չէ՛, բանբեր:

ՀԱՄՐԱՄ

Ինչ՞որ բան մեզնից, բանբեր իմ բարի,
Ծածուկ ես պահում,
Գուցե թվո՞ւմ է...

ԲԱՆԲԵՐ

Տիրուհիս, իրավ, ուստրերդ կտրիճ,
Եղբայրներն հզոր,
Ինչպես կռվեցին...
Պիտի ասեմ, որ...
Արամանյակն է թեթև վիրավոր:

ՀԱՄՐԱՄ

Արամանյակը... վիրավորված է:
Ասացիր՝ թեթև՛...
Հավատամ, բանբեր:

ԲԱՆԲԵՐ

Բանբերի գործած ամեն մի կեղծիք՝
Ավերմունքներ է ծնում ու չարիք:



ԱՐՓԱԿՆ

Առնակի մասին չասացիր ոչինչ:

(Բանբերը պատասխանն հապաղում է):

ՀԱՄՐԱՄ

Սիրտս է շուռ գալիս քո լռությունից,
Շիտակն ասա ինձ:

ԱՐՓԱԿՆ

Ախ, աս՛, աս՛, սիրելի բանբեր,
Բան է պատահել:

ԲԱՆԲԵՐ

Անկասկած, շահած մեր հաղթանակի
Կեսը պետք է որ պատկանի նրան,
Հզոր էր, թեթև՝ նման մի հողմի,
Ա՛յ, Նահապետին թիկնապահ արժան:

ՀԱՄՐԱՄ

Թեթև էր, հզոր...
Իմաստը մեկնիր ակնարկիդ դաժան,
Ո՛ղջ է նա, այո՛:


ԲԱՆԲԵՐ

Մինչ լայնալիճից
Մահը կմեխվեր կրծքի մեջ Բելի,
Չախ կողմից ներհակ՝
Ինչպես ճահիճից
Սաստկալի թափով դուրս պրծած մի օձ
Ֆշշանց, սրընթանց...
Առնակը եթե չասպարեր կրծքով,
Նետն այն, անկասկած՝
Կողը կխրվեր մեր Նահապետի.
Նետասլաքը թուլնով էր օծված:

(Արփակնն ընկնում է մոր գիրկը: Նրանց շրջապատում են սպասուհիներն ու ներս տանում: Լսվում է հեռվից):

Ժամն է կոչելու հաղթանակը վեհ,
Մեկն հարյուրի դեմ,
Հազարը՝ մեկի,
Թող գոյատևի մեր ցեղը հավետ
Մեկն հազարի դեմ,
Ու բյուրը՝ մեկի:

Մեկը բյուրի դեմ,
Թող կենան կրկին
Լեռներն անառիկ



Ու երկինքը մեր,
Կուլ չգնացին ավազուտներին՝
Լեզուն մեր քաղցրիկ,
Ոգին անձնվեր:

Պայքարն է հիմքը հարատևման մեր,
Մեկը բյուրի դեմ,
Ու բյուրը՝ մեկի,
Եվ կթավալվեն դեռ անթիվ դարեր,
Սակայն հավերժ են սերունդներն Հայկի:

(Շեփորահարություն: Ծնծղաներ: Գալիս են Հայկը, Խոռը և Մանավազը:
Հայկը մտահոգ է):

ԽՈՌ

Հայր, չէ որ մենք ենք
Հաղթել այս ահեղ ճակատամարտում,
Հարկ չկա չնչին մտահոգության:

ՀԱՅԿ

Զոհողության գնով բերված հաղթանակն էլ
Իր մեջ անմեկնելի հուզում ունի պահած,
Մի տարբերությամբ՝
Պարտվողն աղերսում է,
Իսկ հաղթողը՝ ժպտում հանդգնությամբ ի բաց:

ՄԱՆԱԿԱԶ

Թշնամին, իրո՞ք,
Անգոսնելի էր, քան թե սոսկալի,
Եվ հատուցեցինք նրան արժանին:

ՀԱՅԿ

Միայն արյան գնով ընկած զորականի:

(Պատշգամբում երևում են Համրամն ու Արփակնը՝ շրջապատված սպասուհիներով):

ՀԱՄՐԱՄ

Բանբերը ստե՛ց...

Ա՛խ, անո՛ւշ որդիս...

Արամանյանկա...

(Խոռը և Մանավազը գնում են նրանց ընդառաջ):

ՀԱՄՐԱՄ

Հաղթանակի լույս՝

Բերված իմ որդու հեղված արյունով:

ԽՈՌ

(Գրկելով մորը)

Հանգստացի՛ր, մայր...

Նա սայլակում է,

Միայն ոտքից է թեթև վիրավոր:



ՀԱՄՐԱՄ

Հավատամ արդյոք:
Սայլը որտեղ է:

ԽՈՌ

Ջորականների հետ է, հավատա՛:

(Մանավազը Արփակնին գրկած իջեցնում է աստիճաններով: Արփակնը ընկնում է Հայկի գիրկը):

ԱՐՓԱԿՆ

Առնական ղև է, հայր...

ՀԱՅԿ

(Շոյելով աղջկա վարսերը)

Դստրիկս...

Արփակն...

Առնական այսուհետ

Կապրի երկնքի կապույտում աստեղային.

Նա յուր անձը տվեց, որ մեր երանավետ

Երկիրը շեն մնա,

Մնա արևային:

Որպեսզի չպղծեն մեր հանդ ու հողերը,

Մեր խորունկ ձորերը,

Այրերը մեր մթին:
Որ մնան անաղարտ ծովերը մեր աղի,
Գետերը՝ նման մեր բնույթին փրփրաբաշ,
Մեր լերունք անառիկ,
Խրոխտ ու երկնահաս:

ՀԱՄՐԱՄ

(Մոտենալով աղջկան)

Արփակն,

Աղջիկս,

Գնանք նրանց մոտ:

(Համրամն ու Արփակնը դանդաղ հեռանում են: Սպասուհիները ուղեկցում են նրանց: Լռություն է):

ՀԱՅԿ

(Անշտապ նստելով քարե աստիճանին)

Զարիուր մարտից հետո

Հաղթանակի շունչն է, հարկավ, ախորժելի...

(Դադար)

Ո՛ր մեղքի համար էր սպանդն այս եղկելի

Ընդդեմ ցեղիս նյութվել...

(Գալիս է բաբելական բարձրաստիճան մի զորական, ձեռքին մի դրոշ, վրան ցուլի պատկեր: Նրա հետո՝ մի քանի զորականներ: Լա դրոշն զգուշորեն դնում է Հայկի ոտքերի առջև ու խոնարհվում:

Խոնարհվում են նաև բաբելական մյուս զորականները):



ԲԱՐՁՐԱՍՏԻՃԱՆ ԶՈՐԱԿԱՆ

Դրոշը շքեղաշուք Բաբելոնի,
Որի ուժի դեմ
Փլվել են դարեր,
Եվ թավալվել են բարձունքներն ամեն,
Դնում եմ ահա ոտքերիդ առջև
Ու երկրպագում հզորագույնիդ:

ՀԱՅԿ

Կարիք չկա, անշնչոտ, նման երկրպագման.
Զանա խոսքերը քո
Ամփոփ արտահայտել:

ԲԱՐՁՐԱՍՏԻՃԱՆ ԶՈՐԱԿԱՆ

Արքային հանձնեցեք մեր Բաբելոնին:

ՀԱՅԿ

Էլ ի՞նչ պետք ունի ձեր Բաբելոնը հզոր,
Մեռած մի արքայի:

ԲԱՐՁՐԱՍՏԻՃԱՆ ԶՈՐԱԿԱՆ

Բայց նա անվախճան է...



ՀԱՅԿ

Վճռականությամբ լի
Մի ցեղ հոգեմեծար,
Որ վառ է պահում ըմբոստության ոգին
Եվ ճակատին ունի դաջվածքն հավերժացման.
Տիրակալը ձեր հզոր Բաբելոնի
Կուզեր հնազանդել,
Տանել երկրպագման
Իր կուռքին,
Այնուհետ նենգաբար ձուլել
Խառն ու բազմամբոխ աքքադացոց երթին, .
Արդեն մեռած է նա...

(Դադար)

Ջորքը բաբելական թող որ ազատ կենա:
Եվ ովքեր անկամաբար,
Տիրակալի կամքով եկել են մեզ վրա,
Կընդունի նրանց իմ երկիրն հյուրամեծար:

(Դիմում է որդիներին)

Փառանշող կարգով
Սուրբ հողին հանձնել բղիճի ընկածներին,
Սակայն բաբելական կարծեցյալ աստծուն...
Գարշելի է անգամ թողնել արևի տակ,
Քանզի լեշը նրա կտարածի ժանտախտ:




(Դադար)

Դին եղկելի՛
Կզմռսէք, ապա
Կթաղէք Հարքի մի բարձրավանդակ տեղում
Կրծքում ապառաժի,
Ի տես մեր ազանց ու գալիք սերունդների՝
Ըմբոստության ոգին որ հար արթնն պահեն:
Ապա ի տես նրանց,
Ովքեր կհանդգնեն մեր կամքն ազատասեր
Շղթայել դժնաբարք՝
Բելի պես կընկնեն
Անփառունակ:

ԾԱՆՈԹԱԳՐՈՒԹՅՈՒՆՆԵՐ

1. **Հրասախ** — Չափի միավոր՝ Մեկ հրասախը 5250 մ. է
2. **Բագին** — Հեթանոսական զոհարան, մեհյան
3. **Ազատ** — Հին ու միջնադարյան Հայաստանում արտոնյալ դասը
4. **Ընդոծին** — Տվյալ գերդաստանում ծնված ու մեծացած, բայց ոչ տանուտերի սերնդից (ստրուկի, աղախնի որդի):
5. **Ազն** — Ազգ, զարմ:
6. **Հարք** — Գտնվում է Հայաստանի Տուրուքերան նահանգում՝ Արածանի գետի վերին հոսանքում:
7. **Սլուն** — Այս ցեղից հետագայում առաջացել է Սլկունիների տոհմը:
8. **Ալք** — Առասպելական չար ոգի, որն ապրում է անդրշիրիմյան աշխարհում:
9. **Խաթթե** — Խաթթի, եկվոր ռազմաշունչ ցեղ Փոքր Ասիայում:
10. **Վրկանա ծով** — Կասպից ծովը:
11. **Աքքադ** — Մեմական ցեղ, հյուսիսային Միջագետքի հնագույն բնակիչներից:
12. **Մուշկ-մուշկեր** — Հայաստանի հարավարևմտյան մասում սահմանակից խաթթերի երկրին:
13. **Փյունիկե** — Հին աշխարհին հայտնի է Փյունիկիա անունով, բառացի նշանակում է «արմավենիների երկիր»։ Գտնվում է Միջերկրական ծովի արևելյան ափին, Պաղեստինից հյուսիս, նշանավոր Տյուրոս և Սիդոն քաղաքներով:
14. **Ղպտի (Եղիպետ)** — Հին հայերը այսպես էին կոչում Եգիպտոսը.
15. **Բաբելոն (աքքադ)** — Հնագույն քաղաք Միջագետքում, Եփրատ գետի ափին
16. **Շումերներ** — Միջագետքի ամենահին բնակիչներից:
17. **Աշուր** — Քաղաք-պետություն Ասորեստանում:
18. **Եդովմ** — Հին հրեական ցեղ.
19. **Հուդա** — Լեռնային երկիր, Երուսաղեմից հարավ:



20. Խուրրիներ — 3—2-րդ հազարամյակներում (մ թ ա) տարածված էին Միջերկրական ծովի արևելյան ափին գտնվող Ուգարիտից սկսած դեպի արևելք
21. Մովաբցիք (մովաբեցիներ) — Քանանի (Պաղեստին) հնագույն բնակիչներ
22. Մենեֆիս (Մեմֆիս) — Հին եգիպտական քաղաք, Կահիրեից ոչ հեռու: Մեմֆիս անունը հունական ձևն է եգիպտերեն «Մենեֆեր» անվանման, որը նշանակում է մենեֆերի բնակավայր:
23. Ամորի (ամորեներ) — Սեմական ցեղեր: Հիշատակվում են 3-րդ հազարամյակից (մ թ ա) եղել են Մարիի պետության կազմի մեջ, Ուր և Խառան կենտրոններով:
24. Էլամներ (Շուշտան) — Հին ստրկատիրական պետություն Պարսից ծոցից հյուսիս Կերքա և Կարան գետերի ավազանում (այժմ Խուժստանի շրջան, Շող կենտրոնով): Հիշատակվում է 3-րդ հազարամյակից (մ թ. ա.):
25. Բեթսա — Եղել է Քանանի հնագույն քաղաքներից մեկը Հիշատակվում է 4—3-րդ հազարամյակներից (մ թ ա)
26. Քանան — Պաղեստին գտնվում էր Հորդանան գետի և Միջերկրական ծովի միջև:
27. Արբոն (արոն) — Ողջույն (աշուրա-բաբելոնյան):
28. Անուի — Բաբելոնի առաջին գերագույն աստվածը Օդի և Երկնքի հովանավորը Համուրաբի թագավորի օրոք տեղը զիջեց Մարդուկին
29. Քավդեա — Աստղագուշակ, աստղահմա, գուշակող, կախարհ:
30. Քաաբի սև քար — Մեքքայում բազմաստվածության ժամանակաշրջանի հուշարձանն է: Քարերի պաշտամունք գոյություն ուներ նաև փյունիկեցիների և քանանցիների մոտ:
31. Պնակիս — Գրատախտակ:
32. Ադի ծով — Վանա լիճն է, իր համբավվոր տառեխ ձկով Ջրի աղիության պատճառով մեր նախնիները կոչել են Ադի ծով:
33. Ձկնառատ գետ — Խուշաբ գետն է՝ Վան քաղաքից հարավ

ՄԻՍԱԹ ՄԿՐՏԻՉԻ ՀՈՒԵՆՅ

Հայկ Նահապետ

Դրամա

Դպրոցական բարձր տարիքի համար

МИСАК МКРТИЧОВИЧ ОВЕНЦ

Айк Напет

Драма

(На армянском языке)

Издательство «Советакан грох», Ереван, 1985

Խմբագիր՝ էգ. Ս. Ավագյան

Գեղ. խմբագիր՝ Ս. Գ. Սաֆյան

Տեխ. խմբագիր՝ Ա. Վ. Հովհաննիսյան

Վերատուգող սրբագրիչ՝ Վ. Գ. Ազաադյան

ИБ 6214

Հանձնված է շարվածքի 26. 07 84. Ստորագրված է տպագրության 5 12 84:
Ֆորմատ 60X70¹/₁₆ Թուղթ՝ օֆսեթ՝ 4,62 պայմ. տպ. մամ, 12,32 պայմ. ներկ
թերթ., 2,95 հիշատ մամ Տպռատեսակ՝ «Արարատ» ՎՖ 09493: Պատվեր՝ 3174
Տպաքանակ՝ 10,000 Գինը՝ 30 կոպ.

«Սովետական գրող» հրատարակչություն, Երևան—9 Տերյան 91.

Издательство «Советакан грох», Ереван — 9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետա-
կան կոմիտեի Երևանի գունավոր տպագրության տպարան, Երևան—82, Ադմիրալ
Իսակովի պող 48

Типография цветной печати Госкомитета Арм. ССР по делам из-
дательств, полиграфии и книжной торговли. Ереван — 82, пр. Ад-
мирала Исакова. 48.

